

# Filipenses

---

## Peresugue áriġu ipüre gojabeopu Pablo

**1** <sup>1</sup> Għa Pablo Timoteo mera Jesucristo pohro majarā āhraa. Eropirā áripehrerāre mware oarāre Jesucristo yarāre Filipino majarāre gojabeoa għa. Mwa oparā sāre mware itamurā sāre gojaa. <sup>2</sup> Eropirā Goāmū mari Pagū mari Opū Jesucristo mera mware oadorea. Ġu itamuri mera oaro áriqūe mwa.

## Pablo Jesu yarāre Goāmure serēbasapu

<sup>3-6</sup> Goāmū mware oaripure gohrotocū iġu iimi. Eropiġu mware ġu iinugadiro dopa ta ii ojogorocugucumi. Eropirā Jesucristo i yebaguere ġu eracūguere ñeri marirā áriřāca mwa. Negohraguere Jesu yarā mwa wara puħru, dohpague sāre itamua mwa yure oari buherire yu buhecū. Mwa eropa iirā áriřū Goāmure “Ōhaa,” arāa yuħu. Mware guñagu opa dihta arāa yuħu. Mware Goāmure serēbasagu mucubiriri mera serēbasaa. <sup>7</sup> Eropiġu mware yu oaro mera eropa pepicū oapūrica. Ōari buherire “Diaye ta āhraa,” oparāre yu aritarinugacū mwa yure itamubu. Iri buherire diaye ta iri áriřire masare yu wercū itamubu mwa. Peresu yu áriřū sāre itamubu. Eropa mwa itamucū mari yujuro mera Goāmū itamurire oapa. Eropiġu yu siporā mera turaro mahia yuħu mware. <sup>8</sup> Jesucristo ġu mahiri mera bñriġā mware guñaa yuħu. Yu eropa guñacū Goāmū irire masimi. <sup>9</sup> Mware opa arī serēbasaa yuħu Goāmure. Goāmū yare oaro masiri mera oaro pee masipehori mera Goāmure masa sāre mwa mahinemoburire serēbasaa yuħu Goāmure. <sup>10</sup> Ōarire mwa masiburi sāre serēbasaa mware. Mwa eropa masirā Cristo i yebague ġu dujaricū oarire iinirā áriřā, dipuwaja marirāca mwa. <sup>11</sup> Eropa oarire iirā Goāmū gamerire iirāca mwa. Eropa iimorā wacū iigucumi Jesucristopu mware. “Goāmū oagu, turagu āhrimi,” áripehrerā ġure erā arī umupeoburire ġu gamerire mwa iicū iigucumi mware.

## Pablo Jesucristo yagu ġu warare werepu

<sup>12</sup> Yu acawererā, ire mwa masicū gahmea. Yu dohpaguere peresu yu áriřuercū ta oari buheripu eropa muhtaniguicāa. <sup>13</sup> Eropiġu Cristo yagu yu áriři waja peresu yu warare masipehrema opu ya wihi majarā surara. Áripehrerā gajirā sā ore irire masima. <sup>14</sup> Eropirā peresu yu áriřū iarā,

bajarã mari acawererã Jesu yarã mari Opure Jesure umupeonemoma. Eropa umupeorã güiro mariro òari buherire gajirãre buhema erã.

<sup>15</sup>Yujurãyeri Cristo yare buhebonirã áriquererã yure ìhaturima. Cristo yare buherã erãpure masa ìhasuacũ gahmema. Gajirãpu òaro mera Cristo yare buhema. <sup>16-17</sup>Òari buherire yu werenigui turaburire Goãmu yure ìgu apirare òaro masima. Oãpu eropa masirã yure umupeorã Cristo yare buhema. Gajirãpu yure ìhaturirã masare erãpure ìhasuacũ gamerã Cristo yare buheama. Eropirã yu peresu áricũ erã yure bujawerecũ iidiaa. <sup>18</sup>Òaroca. Cristo yare ta buherã iima. Erã yure umupeobiriquererã Cristo yare buhema. Gajirãpu òari mera buhema. Áripehrerã erã ìgu yare buhecũ mucubiria.

<sup>19</sup>Eropigu mucubiriniguicãgũca yũhũ. Goãmure mua yure serẽbasara mera, Jesucristo ìgu Espiritu Santo itamuri mera Goãmũ yure òaro taricũ itamugcumì. Irire masia. <sup>20</sup>Òpa ta buriã iidiaa yũhũ dohpa. Ne yu iirare ñero pepidiabea. Ñero pepibigu árigũ doyarò mariro árigũpu masare Cristore òaro umupeocũ buriã iidiaa. Umuri nucũ yu iidiro dopa ta dohpague sãre erã Cristore “Òagu, turagu àhrimi,” erãre arì umupeocũ iidiaa. Ojocarigu gohra eropa ta iidiaa. Erã yure wejẽdiaquerecũ ta eropa ta iidiaa. <sup>21</sup>Ojocariniguiũ gohra Cristo yare iiniguica dohpa. Sirigũgue tamera ojocarirã tauro òaro dujagũca yũhũ. <sup>22</sup>Ojocariniguiũ Cristo yare yu inemoboro dopa ojocarinigucãdiaca. Eropa iidiaqueregu ta siriri sãre gahmea. ¿Dipure yu gamebocuri? Masibirica yũhũ. <sup>23</sup>Yu òpa arì wereniguicũ masisũya mara yure. Cristo mera buriã áridiaa. Eropigu dohpaguere ìgu pohrogue wadiaca. Ojocariri tauro siriripu òatarinũgacãroca. <sup>24</sup>Eropa áriquerecũ ta muare yu itamuboro dopa ojocarinemoro gahmea yure. <sup>25</sup>Irire masigu ohõ mua mera yu áriborore masia yũhũ. Eropa áriniguicãgũca yũhũ mua Cristore umupeonemoboro dopa, iri umupeoturari mera mua mucubiriborore. <sup>26</sup>I yebague árinigu mua pohrogue dipaturi yu wacũ mua mucubirirãca. Eropa yũhũ mua pohro ejaçũ Cristo Jesu yure ìgu itamurire masirã, “Turagu àhrimi ìgu,” arì umupeorãca mua ìgure.

<sup>27</sup>Dohpaguere i dihtare iique. Cristo ya buheri iri arìro dopa ta áricũque mua. Guñaturarã árique. Eropirã game dũca wariro mariro òari buherire yujuro mera buriã buheque. Eropa ta yu mua pohro wabiricũ sãre yu wacũ sãre mua eropa iicũ gahmea. Eropa mua yujuro mera árirã áricũ peebeodiaa yũhũ. <sup>28</sup>Muare ìhaturirãre güibiricãque. Mua eropa güibiricũ iarã Goãmũ yarã mua áricũ masirãcoma erã. Eropa masirã erã peamegue waboro sãre masirãcoma. Eropirã Goãmũ ìgu tauboro sãre masirãcoma. Òpa ta masicũ iimi Goãmũ masare. <sup>29</sup>Cristore mua umupeobure Goãmũ apidi árimi. I sãre apidi árimi. “Cristo yare mua werera waja ñero tarirãca,” arì apidi árimi Goãmũ muare. <sup>30</sup>Eropirã Cristo yarã mua áriiri waja gajirã muare ñero iima. Muare erã iidiro dopa ta yu sãre ñero iima erã. Mua mera yu áricũ yure erã eropiicũ ìabu. Dohpague sãre erã yure eropiicũ pee waicua mua. Eropirã mari yujuropa ta ñero taria.

**Cristo bu áriḡu iro dopa eradigu áriḡpehrerā weca  
opu áriḡu wapu, arī gojañumi Pablo**

**2** <sup>1-2</sup> Cristo muare ðaro siporācucū iinirā, Cristo ḡu mahiri mera mua mucubirirā, yuḡure ðaro mucubiricū iique. Eropirā Espiritu Santo áriḡpehrerā mua mera ḡu áricū gajirāre mahirā, mojomoro iarā árīrā, yure ðaro mucubiricū iique mua. Ire mua iicū mucubirigūca. Yujuropa ta ðaro siporācūque mua. Eropirā mua basi game mahique. Ōari mera árīricūque. Eropirā áriḡpehrerā yuju diaye ðaro árīque. <sup>3</sup> Gajirāre tarinḡgadiarā áribiricāque. Eropirā eropa ta pepi áricāque. Eropirā gajirāre ðaro umupeo ōpa arī pepique: “Erāpu yu tauro ðarā áhrima,” arī pepique. <sup>4</sup> Gajigu gajirāre itamudiabiribocumi. ḡu iro dopa iibiricāque. Gajirā sāre itamuque.

<sup>5</sup> Jesucristo ḡu eropa pepicādiro dopa ta mua sā eropa ta pepicāque. <sup>6</sup> ḡuḡu Goāmū gohra áriqueregu ta “Goāmū yu árīrire ne duhosome yuḡu,” arībiripū ḡu. <sup>7</sup> Eropigu ḡu Goāmū ḡu árīrare duhu, masu ta masa dehyoadigu pohro majagu iro dopa árīnḡagapū i yebaguere. <sup>8</sup> Eropigu ḡu masu dḡncḡu bu áriḡu gohra árīnḡagapū. Eropa árīnḡagapū “Crusague wejēque ḡure,” erā arīcū ḡu Goāmure yuḡrigū tarinḡgabiripū. Crusague ta guhyasiuro mera siribu áriqueregu ta ḡu tarinḡgabiripū ḡu Paḡure. <sup>9</sup> Eropigu ḡu eropiicū iha mari Paḡu áriḡpehrerā masa erā umupeobure apipū Jesure. Eropigu áriḡpehrerā gajirā weca opu acupū Goāmū ḡure. <sup>10</sup> Eropirā áriḡpehrerā umaro majarā, i yeba majarā, sirinirā mura sā Jesu waire peerā erā mereja muju ḡure umupeorācoma pare. <sup>11</sup> Eropa ḡure opu acugucumi mari Paḡu áriḡpehrerā Jesucristore “Mari Opu áhrimi,” erā arībure. Eropa arīrā mari Paḡu Goāmure umupeorācoma.

**Cristo yarā ðarire wererā masare masicū iima**

<sup>12</sup> Eropirā, yu mahirā, mua mera yu áricū mua yuḡridiro dopa ta, dohpaguere yu yoarogue áricū sāre ðaro yuḡrique yure. Eropirā peamegue wabonirā mua Goāmū taunirā árīrā Cristo ḡu itamuro mera ḡu gamero dopa ii purumujuque. Eropirā umupeori mera biraro mariro Goāmū yare iique. <sup>13</sup> Goāmū ðaripure muare gamecū iigu iimi. ḡu eropa gamero dopa ta mua iiborore iimi. Eropigu irire mua ḡu yare ðaro iiborore itamuniḡicāmi Goāmū. ḡu eropa iicū irire yu arīdiro dopa ta iique mua.

<sup>14</sup> Áriḡpehrerire iirā turiro mariro, mua basi gajinore werericuro mariro iique. <sup>15</sup> Eropiique mua ñeri dipuwaja marirā, ñerire iibirā Goāmū porā ðaro mua árīmorā. Eropiique mua masa guyarā, ñerā watopere goroweoro mariro mua árīmorā. Erā ñerā watope mua árīrā ōari buherire buherā masicū iiaa mua i yeba majarāre. <sup>16</sup> Iri buherire mua peeñanirā Goāmū mera eropa árīnḡguimorā wabu mua. Iri buherire i yeba majarāpūre mua eropa buhecū ḡagu mua mera mucubirigūca yuḡu. Eropigu yu muare buherare guḡagu, “Bu gohra ta muare buhebiriyā yuḡu,” arīgūca yuḡu. Eropigu Cristo ḡu i yeba ḡu dujaricū mua mera mucubirigūca yuḡu. Eropigu guhyasiuro tarisome

yũhũ. <sup>17</sup>Cristore mũa umupeoturacũ Goãmũ mũare ìhasuagucumi. Ìgũ eropa ìhasuacũ ìagũ mũare Cristo yare yũ buheri waja yũre erã wejẽdiaquerecũ ta mucubirigũra. Eropirã mari árípehrerã yujuropa ta mucubirirãca. <sup>18</sup>Eropa ta mũa sãre yũ mera mucubiriro gahmea pũhrũ yũ sĩricũ ìarã.

### Timoteore, Epafrodito sãre werepũ Pablo

<sup>19</sup>Mari Opũ Jesu ìgũ gamecũ yojaro mera Timoteore mũa pohrogue obeodíaa yũhũ mũa áríricũrire masibu. Eropa masigũgue ta mucubirigũca. <sup>20</sup>Ìgũ Timoteo mũa õaro áríborore diaye ta bũrigã guñami mũare. Gajigũ ìgũ iro dopa ta árígũ marimi yũre. <sup>21</sup>Gajirãpũ árípehrerã erã gameri dihtare iidia, Jesucristo ìgũ gameripũre iidíabeama. <sup>22</sup>Timoteopũ ìgũ õaro iirire masia mũa. Yũ magũ iro dopa ta árígũ ìgũ yũ mera õari buherire weremũrimi. Eropirã gũa yujuropa ta Cristo yare buhemũrabũ. <sup>23</sup>Eropigũ õ majarã oparã yũre erã duhpiburire masira pũhrũ, Timoteore mũa pohrogue obeodíaraa. <sup>24</sup>Eropigũ mari Opũ Jesu ìgũ itamuri mera yojaro mera yũ sã mũa pohrogue wagũca.

<sup>25-26</sup>Yũre itamudorerã mũa Epafroditore obeoabũ yũ pohrogue. Ìgũ yũ acaweregũ, yũ mera mohmegũ, yũ wapi, Goãmũ yare buheturagũ áhrimi. Ìgũ mũare turaro guñabeomi. Eropigũ ìgũ dorecũrare mũa peecũ masigũ ìgũpũ “Erã yũre guña bũjawerecoma,” arí guñaricumi. Eropa ìgũ wũaro guñaricũcũ ìagũ ìgũre mũa pohrogue omedujuro gahmea yũre, arí pepia yũhũ dohpaguere. <sup>27</sup>Áríro ta ìgũ turaro dorecũami. Mero sĩribocuri tariami ìgũ. Ìgũ eropa dorecũquerecũ ta, Goãmũ ìgũre mojomoro ìagũ taricũ iiami. Ìgũ sĩricũ yũpũ bũrigã bũjawereboaya. Eropigũ yũ sãre Goãmũ mojomoro ìami ìgũre taricũ iigũ. <sup>28</sup>Eropigũ dohpague tamerare yojaro mera ìgũre mũa pohrogue obeodíaa dipaturi mũa ìgũre ìha sñajaboro dopa. Mũa eropa mucubiricũ peegũ yũ sã mucubirigũra. <sup>29</sup>Eropirã ìgũre Epafroditore mari Opũ yagũre õaro mucubiriri mera bocatĩrique. Eropirã gajirãre ìgũ iro dopa árírãre umupeoque. <sup>30</sup>Ìgũ Cristo yare itamudiagũ sĩrirami. Mũapũ yũre itamumasibiricũ ìgũpũ yũre itamubasamũrami. Eropigũ dorecũ sĩrirami ìgũ.

### Õaro áríri gohrare wereñumi Pablo

**3** <sup>1</sup>Dohpague tamerare ire weregũra. Mari Opũ mera mucubirique. Ì buherire ero coregue yũ wererare dipaturi õpa arí gojabeogũ mucubiria yũhũ. Eropigũ ire werenemogũ itamugũ iíaa mũare. <sup>2</sup>Gorowerebirã ta áríque mũa. Ñerire iiniguicãrã, diayea iro dopa ta árírã, ñerã, gasiro merogã wiri aĩdorerã mũa ya dũpũre wiridíama. Eropa iidorerã áricũ ìha “Queoro buheri áríbeaa,” arĩrã õaro iique mũa. <sup>3</sup>Erã circuncisión gasiro merogã aĩdorediarã “Deyoro maja mera Goãmũre umupeocũ õhaa,” arĩrima. Maripũ eropa aríbeaa. Espĩritu Santo ìgũ itamuri mera diaye ta Goãmũre umupeoa mari. Mari deyoro maja iiri mera mucubiribea. Jesu yarã mari áríri mera mucubiria mari. <sup>4</sup>Eropa mucubiriqueregũ ta, yũ iirare erã iro dopa arĩdiagũ, erãre docapicãboya yũ sã.

Gajigu òpa ta arĩ tarinugacãdiami. Yũpũ ìgu tauro eropa áríboaya. <sup>5</sup>Òpa iigu áríribu yũhũ: Ocho nuri yũ masa dehyoara pũhrũ gasiro merogã wiri añirã áríma yũre. Israe masũ arĩgu Benjami ya curu majagu áhrra yũhũ. Yũ pagu sũmarã hebreo masa erã áricũ diaye ta hebreo masũ gohra ta masa dehyoabu. Moise dorerire diaye ta ipehodiagu fariseo curu mera ñajaribu yũhũ. <sup>6</sup>“Goãmũ ya árisaca,” arĩgu òaro iiribu yũhũ. Eropigu Jesu yarãpũre ñero iimũricarabu yũhũ. Diaye ta Moise dorerire iigu irire tarinugaro mariro ipehomũribu yũhũ. <sup>7</sup>Iribojeguerẽ “Iri òari árisaca,” arĩ pepimũribu. “Iri yũ eropa arĩ pepira iribojegue yũ eropa áríra duhpiburi áribirigohracãdiro áribũ,” arĩ pepia dohpaguere. Òpa ta arĩ pepinugabu yũhũ Cristore umupeonugagu. <sup>8</sup>Jesucristo yũ Opũre yũ masicũ tamerare òataria. Eropigu gaji doreripũre duhpiburi áribea, arĩ pepia yũhũ. Iri áripehrerire cóacãbu Cristo yapũre iibu. Eropigu iribojegue yũ iirare cóãgu “Ñeri gohra áhrraya,” arĩ pepia. Cristo yare òaro masibu ìgu mera majagu áribu eropa pepia. <sup>9</sup>Eropigu yũ ejatuharo òaro yũ iira waja “Òagu áhrimi,” arĩ ìabeami Goãmũ. Eropiro Goãmũ dorerire Moiserẽ ìgu apirare yũ iira waja sãre “Òagu áhrimi,” arĩ ìabirami. Cristore yũ umupeora pũhrũ “Òagu áhrimi,” arĩ ìami pare ìgu yũre. Goãmũpũ marire dipuwaja marirã áricũ iimi ìgũre mari umupeocũ. <sup>10</sup>Eropigu ero coregue yũ árimũhtarare duhucãbu Cristore òaro masigu wabu. Goãmũ ìgu turari mera Cristo masa mũriapũ. Iri turari mera áridiaca yũhũ. Eropigu iri turari mera òarire iidiaca. Cristo crusague siripũ mari ñeri iirare cóãbu. Eropigu ìgu yare ìgu ìgu iidiro dopa ta ñero taridiaa yũ sã. <sup>11</sup>Eropigu Cristo ìgu masa mũriadiro dopa ta, yũ sã masa mũriadiaca.

<sup>12</sup>I áripehreri eropa arĩgu “Cristo iro dopa ñeri marigu árituhajaa,” arĩ pepibea. Yũ eropa arĩ pepibiriqerẽcũ ta Cristo ìgu yagu áribure òagu áribure iiami yũre. Eropigu ìgu yare ìgu sãre òaro masinemodiagu turaro mera ìgu yare iidiaa yũhũ. <sup>13</sup>Yũ acawererã, yũhũ mũare eropa arĩgu, “Jesucristore òaro masipehotuhajaa yũhũ,” arĩgu iibea. Eropa arĩbiriqerẽgu ta i tamerare iiaa. Yũ iribojegue iirare cãdijigu dohpaguere “¿Goãmũ dohpa iicũ gahmeri yũre?” arĩgu bũrigã irire iidiaa. <sup>14</sup>Omabiragu pohbegu ejamũhtadi ìgu wajatadiaro dopa ta bũrigã iiaa yũhũ yũ wajataborore yũ ñeaboro dopa ta. Cristo ìgu yagu yũ áricũ ìagu yũhũ wajataborore obu umarogue sihubeomi yũre.

<sup>15</sup>Òpa yũ arĩro dopa ta pepique mũa sã Cristore òaro masirã árirã. Eropirã mũare yũ wererare mũa peediabiricũ gajiropa mũa pepicũ Goãmũ mũare òaro masicũ iigũcumi. <sup>16</sup>Eropirã ìgu yare mari masirare òaro ii ojogorocũrã.

<sup>17</sup>Yũ acawererã, mũa áripehrerã yũre ìhacũque. Eropirã gajirã gua iiro dopa iirãre ìhanũque mũa erã sãre mũa ìhacũboro dopa. <sup>18</sup>Bajasuburi gajirãre ñerãre wereabu yũhũ mũare. Dohpague sãre bũrigã bũjawerẽgu erãre ta werea mũare daja. Erã ñero iiri mera “Cristo crusague ìgu siridi árimi,” arĩ buherire ìhaturirã áhrrima. <sup>19</sup>Erã peamegue wamorã ta áhrrima. Erã uaribejaripũre bũrigã gahmema. Eropirã iri mũare guhyasirisãborare erãpũ “Mari iiri òari áhrra,” arĩma erã. I mũmũ maja dihtare pepima erã. <sup>20</sup>Maripũre mari ejaburi maca umarogue ta áhrra. Eropigu erogue ta marire taubu mari Opũ Jesucristo dujarigũcumi. Eropirã

ĩgu dujariborore corerã iiaa mari. <sup>21</sup>Ĩgu dujarigu mari dũpũre bu ářĩri dũpũre gajiroa ářĩri dũpũre gohrotogũcumi ĩgu. Eropigu ĩgu ya dũpũ iro dopa ta õari turari dũpũre gohrotogũcumi marire ĩgu turari mera. Ářĩpehrerã opũ ñajami ĩgu iri turari mera. Eropigu ářĩpehreri Opũ áhrimi ĩgu iri turari mera.

#### Ʋmũri nũcu mari Opũ mera mucubirique, arĩ gojañumi Pablo

**4** <sup>1</sup>Eropirã yũ acawererã, yũ mahinirã, burigã yũ guñarã, yũre mucubiricũ iirã, mũa guñaturadiro dopa ta mari Opũre burigã guñaturaniguique mũa.

<sup>2</sup>Ire weregũra mũare Evodiare, Síntique sãre: Jesu yarã nome áhrra mũa. Eropirã mũa game dũyasorire duhu õaro mera ářĩricũ ářĩque mũa basi. <sup>3</sup>Mũpũ diaye ta yũ wapi gohra áhrra. Mũ sãre weregũra: Erã nome yũ mera, Clemente mera, gajirã yũ wapicũrã mera mohmeama õari buherire gũa buhecũ. Goãmũ erã waĩ sãre gojatutuhañumi ĩgu yapũgue. Ʋmũri nũcu ojocariburire ĩgu onirã waĩre ĩgu gojaturipũgue gojatutuhañumi erã waĩ sãre. Eropigu erã nomere bosaque mũhũ.

<sup>4</sup>Mũa ářĩpehrerã Ʋmũri nũcu mari Opũ mera mucubirique. Dipaturi ta weregũra daja: Mucubirique. <sup>5</sup>Õaro iiniguicãque mũa õaro iinirã ářĩrare ářĩpehrerã masa ĩhamasiborore. Mari Opũ Cristo ĩgu ariboro merogã dũhyaa.

<sup>6</sup>Mũa ářĩricũre ne bujawere guñaricubiricãque. Mũa guñaricũ bujawererire Goãmũre õaro werepehocãque. Eropirã ĩgure õaro serẽque. Eropirã mũa serẽrã ĩgure “Õhaa,” arĩque ĩgure. <sup>7</sup>Mũa eropicũ, õaro ářĩcũ guñaricũro mariro iigũcumi Goãmũ mũare. ĩgu eropa iiri õataria. I mari õaro ářĩri õataria. Eropiro Jesucristo yarã mari ářĩcũ marire õaro ářĩcũ iigũcumi Goãmũ. Marire õaro siporãcũcũ iigũcumi. Eropigu bujawererire guñaniguicãcũ iisome ĩgu marire mari ĩgure serẽra pũhrũ.

#### Õarire pepique, arĩ gojañumi Pablo

<sup>8</sup>Acawererã, ire weretubu iiaa mũare. Queoro ářĩrire, masa erã umupeorire, õaro iirire, ñero marirore, suarire, masa “Õari áhrra,” erã arĩrire pepique mũa. Õataritari iri ářĩcũ iripũre pepique. Masa õarire ĩarã erã mucubiririre mũa sã mucubiri pepique. Iri ářĩpehrerire guñaque irire mũa iiboro dopa.

<sup>9</sup>Mũare yũ buhediro dopa ta eropa ta iiniguicãque mũa. Eropirã yũre ĩhacũque mũa. Mũa eropa iicũ Goãmũ mũare õaro ářĩcũ iigu mũa mera ářĩgũcumi.

#### Filipo majarã Pablora erã orare wereñumi ĩgu

<sup>10</sup>Dohpague tamerare yoara pũhrũgue mũa dipaturi yũre guñarã mũa itamurare mucubiria. Eropa mucubirigu mari Opũ Cristore “Õhaa,” arãa. “Yũre cãdijia wabũ mũa,” arĩbeaa yũhũ. Iribojeguere yũre itamudiaquererã itamumasibirinirã ářĩbũ mũa. <sup>11</sup>Yũre mũa itamurare weregũ “Yũre dũhyaa dohpa,” arĩ werebu iibea yũhũ. Mũare gajinore gamegũ eropa arĩgu iibea. Yũ opari mera ářĩmasia yũhũ. <sup>12</sup>Gajinore moogũ sã õaro ářĩmasia yũhũ.

Eropigu baja opagu sã õaro árĩmasia yũhũ. Ʋmuri nũcu oaboagu sã oare nũgapoa waca. Yapigu árĩgu sã õaro árĩpoa waca. Dabero opagu sã árĩpoa waca. Yũre gajino maricũ sãre õaro árĩpoa waca. <sup>13</sup>Cristo yũre turacũ iigu mera árĩpehrerire yũ eropa warire ii bocatiũmasia yũhũ. <sup>14</sup>Yũ eropa árĩpoadigu árĩquerecũ ta yũ ñero taricũ mũa itamurã yũre õaro iiabũ mũa.

<sup>15</sup>Õari buherire yũ buhediacũ Macedonia yeba mũa ya yeba árĩdigu yũ wacũ gaji maca majarã Jesu yarã yũre itamubirama. Mũa dihta yũre itamuabu. Irire masia mũa. Mũare yũ buhecũ yũpũre mũa itamucũ mari yujuropa ta Cristo yare iirã iiabũ. <sup>16</sup>Eropirã Tesalónica yũ árĩnicũ ñarã yũre itamubeobũ. Yũjuyerisuburi yũre dũhyacũ ñha yũ gamerire obeobũ mũa. <sup>17</sup>Gajinore serẽgu eropa arĩgu árĩbeaa. Gajirãre mũa itamucũ Goãmũ mũare õaro itamugũcumĩ. Ñũre mũa itamuri waja Goãmũ mũare ñgu õaro iicũ gahmea yũhũ. Mũa eropa itamurã guñaturã wacũ sãre gahmea yũhũ. Eropigu yũre mũa itamurare guñacũ iiaa mũare. <sup>18</sup>Dohpaguere yũre õaro opehoabũ mũa. Yũ gamera tauro ohabũ mũa yũre. Yũre Epafródito mera mũa obeora pũhũ gajino ne dũhyabeaa yũre. Mũa yũre ora Goãmũre ora iro dopa ãhraa. Yũre mũa ora Goãmũre õaro suacũ iiaa. <sup>19</sup>Jesucristo marire õaro iidi árĩmi. Eropigu árĩpehrerire mũare dũhyarare ogũcumĩ mari Pagũ mũare. Õatariari ñgu oparire ogũcumĩ. <sup>20</sup>Ʋmuri nũcu mari Pagũre Goãmũre umupeorã. Eropa ta iiporo.

#### Pablo õadorepũ

<sup>21</sup>Árĩpehrerã Goãmũ mera árĩrã Jesucristo yarã õaporo. Mari acawererã Jesu yarã yũ mera majarã sã mũare õadorema. <sup>22</sup>Árĩpehrerã õ majarã õarã Jesu yarã õadorema. Roma majarã weca opũ ya wihi majarã tamera bũrigã õadorema.

<sup>23</sup>Mari Opũ Jesucristo mera mũare õadorea. Eropa ta árĩnguicãporo. Iripẽta ãhraa.